


Lé Corbîn par E J Luce

Corbîn, Corbîn, gros nièr Corbîn -  
Ch'est tréjous à r'gret qu'nou t'vait sus tan c'mîn;  
Lé chasseux s'en va sans s'dêrangi -  
Ta chai est si duthe, i' n'peut pas t'mangi.  
Cor! Cor! Et té v'là hors  
Sus l'haut d'la falaise où'est qu'tu niches et dors.



Corbîn, Corbîn, gros nièr Corbîn -  
Avec raïson l'fèrmyi té r'garde en ennemîn,  
Car souvent tu d'scends dans l'mitan d'nos clios  
Et sus not' bouan froment tu fais des fricots.  
Cor! Cor! va-t-en d'l'aut' bord -  
Ta vouaix sus la maïson avèrtit d'eune mort.

Corbîn, Corbîn, gros nièr Corbîn -  
Tu peux vivre chent ans mais tu meurs à la fin;  
Ta vie à rein n'sert et tu n'est pas r'gretté  
Quand ta vilaine carcasse assique au solé.  
Cor! Cor! Lé vent du nord  
Sait coumment plieunmer tan vilain nièr corps!

Go to the Learn Jèrriais website to find the audio version of this...

[www.learnjerriais.org.je](http://www.learnjerriais.org.je)

